



Rabu, 18 Januari 2023

Ogen: Kejadian 3:20



Nande Kerina Jelma



Tantangna Adam ngidah diberu si itepa Dibata arah tulan rang-rangna, diberu e langa ergelar. Tapi kenca ndabuh ku bas dosa, maka diberu e ibahan Adam gelarna Hawa. Hawa ertina kegeluhen, ntah pe sumbul kegeluhen. Gelar e iberekenna sabap Hawa denggo jadi dalam Dibata nehken perkuah ateNa man doni enda, arah Hawa me tubuh kesusuren Adam ndemi doni enda.

Tapi kegeluhen la banci siterjemahken terjeng tubuh sekalak jelma arah diberu. Ngerana kerna kegeluhen mbue damparna. Erkiteken si e erti jadi nande labo terjeng mpetubuh jelma, tapi peran nande uga erbahanca maka tetap terjaga kegeluhen e. Jadi peran sekalak sumbul kegeluhen e me kap prokreasi ras provindensia. *Prokreasi* ertina mupus, melahirkan. E me kodrat man sekalak diberu. Man diberu ibereken Tuhan bertin. I bas bertin e me Tuhan ndahiken mujisat, i ja arah sel si kitik, turah jadi sada anak kitik, ibaba nande 9 bulan dekahna. *Providensia* ertina pemeliharaan, kenca tubuh anak e ipekana-kena me ia, ibereken pangan man kulana, iangkip, ididongdoahken ka guna mpeteneng tendina, e kerina nande sindahikenca. Kerina diberu bali ras Hawa, itepa Dibata jadi nande kerina jelma. Lit nande si la banci mupus ntah lenga lit pupusna, labo ertina ia la jadi nande si enterem. Nande e tetap nge banci mupus, e me mupusken keleng ate arah pusuh. Turah keleng ate, engkelengi anak si la lit si ngkelengisa, maka tugas selaku nande kerina jelma tuhu nggo sidalanken rikutken kodratna.

Megah min siakap kita diberu igelari Hawa. Cidahkenlah arah mpekana-kena kegeluhen isekelewetta. Lalap lit i bas pusuhtha ngrehken si mehuli ras mediate mpekana-kena jabu bage pe kai si lit isekelewetta.



Blank writing area with a wavy top edge.